

T 3190/3328.83

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAY 29 1941

1

永順府志

缺頁表

卷首序第四十頁

重修永順
永順為楚巫中之地
在自秦罷侯置守分天下為
四十郡而黔中居荊州四郡
之一漢曰武陵今常德澧州
及永順諸境地也稽之分星



塔佛大學漢和
圖書館珍藏印

皆入軫十度一度計二千餘里而永順居楚之尾又軫分中一芥子耳然而叛服不常五代馬楚時有蠻酋彭士然者降於楚將劉勅乃立銅柱於茅坪之東銘文可誦宋雖

混一僅列諸蠻傳中未歸流內銓也明因元制改安撫司爲宣慰使司屬湖廣行省尋改屬都司其時雖有三州六長官之設而彭氏子孫猶世襲其職未入編戶至我

朝定鼎以來百年化洽土司彭
肇槐始以其地來獻事在雍
正七年自是苗疆無不則壤
成賦此永順郡之所由昉也
郡領縣凡四而永順首邑附
郭尤劇前令李君瑾因宣慰

司舊志纂輯成編使沿革可
考今

上
御極之初指示體例詔修一統
志於是各省郡縣志次第興
修王君伯麟所輯永順一志
較之李志固加詳矣迄今五

十餘載疆域山川依然如故
而戶口日滋人文日起忠孝
廉節之事筆不勝書黃君德
基懼其久而遂湮也設局分
曹周諮博採拚衆於作手効
伎於羣材屬藁粗定具以狀

白於郡郡伯戴近堂先生固
余夙所兄事者由嘉應牧遷
秩於斯政成期月大小中程
而且才擅史長揚屹必當將
付之剖劂氏矣重陽後三日
過訪辰暑問序於余並出其

弁言相示典要詳明不惟開
卷了然無美不備仰見我
國家重熙累洽所謂海隅日出
罔不率俾者即以永順一邑
言之古來干羽之格無以踰
此於乎盛哉近堂行復奏最

苗疆倘得借寇將必里爲寇
蓋門成鄒魯有如公之所屬
望於良有司者余亦奚能贅
一詞乎然余兼攝監司例得
為糠粃之導爰不辭而為之
序云時

乾隆五十八年歲在癸丑九月
 穀旦護理湖南辰沅永靖道知辰
 州府事雲間陳廷慶書

重修永順縣志序

溪州黔中一隅地也漢晉以
 來隸屬不恒自宋始有永順
 之目在元為路置安撫司治
 之前明則有軍民宣慰司之
 設領州三長官司六其地依

山阻水廣袤一千三百餘里
西通蜀省東界辰陽舊稱苗
疆巖邑土司彭氏世襲其職
然與內地隔絕曩者特羈縻
之耳非聲教所訖之區也我
國家

聖聖相承蠕蚊咸育矧在花裙毳
被之倫漸摩尤易雍正七年
有土司彭肇槐者為江右叅
戎獻土歸流民皆輸款於是
更立郡縣而首縣之名即因
乎郡郡迄今六十餘載絕無

蠻觸之爭不聞桴鼓之警蓋
駸駸乎與內地等矣若夫紀
載之編則有宣慰司藍本體
裁未協語焉不詳前今李君
瑾創為邑志由是網舉目張
然而規撫雖具缺畧猶多今

上御宇之初王君伯麟踵輯成書

足補李志所未逮職官人物
則援古以準今食貨征徭亦
分門而別類彬彬乎成一邑
之信史焉惟是土風日上而
歲籥遞更事既增於前則文

難循其舊顧使六十餘載之
事蹟任其湮沒而不彰可乎
余奉
命來守是邦席未暇暖會有修
輯邑志之後今令尹黃君德
基首蠲廉俸為之倡導闔邑

紳士輸助爭先於是遠延名
宿近習耆儒刪繁汰襍厥有
典裁公暇每發而讀之仰見
我

皇
上久道化成邊徼寧謐漢籍固
有以化其椎魯之風而人文

蔚起土苗亦有以馴其獷悍
之氣而耕作盡興從此涵濡
不已將見里為冠蓋門成鄒
魯不難駕內地而上之是則
余之所屬望於官斯土者而
豈第為異日之徵文考獻地

哉

乾隆五十八年歲在癸丑九
月穀旦

賜進士出身知永順府事燕山戴
求仁書

朱子書

五士出良賦來則疏襄無山嶺

且遠思無內地而之是則

蘇金正木八未總本委母水

少

聖朝重熙累洽之化遂獻籍內屬請設流官

世宗憲皇帝俞允始置永順府以其地析縣二

為永順為龍山並以新設之保靖桑植

附焉而永順一縣則附郭首邑也余嘗

思天地屯蒙之運必俟有首出庶物之

聖人而後能化其狃獠椎魯之風以隆

禮樂衣冠之盛當夫天造草昧之時六

合蓋生八紘庶類茂弗卉衣木食穴居
埜處圖明親義序別之方今之所謂禮
樂之邦文明之地若齊若魯若燕若晉
若秦若豫若吳若越非累姓奕禩沐浴
涵濡於聖人之教澤曷克臻此永順一
郡僻在南服其民耕鑿於蠻烟瘴雨荒
林叢箐之中樵樗卒瘁又不幸而為土

酋之部落未聞訓以敦龐親遜之道惟
苛斂暴使鞭撻斬艾之而已耳民何以
堪其又惡知

聖世蒸民之樂乎比於茲得列郡縣齒為編

民斂有則役有程罰有條青有赦訓以
仁義導以尊親示以恭儉恤以慈惠澤
以詩書昭以文物我覩斯民其漸洗侏

僑椎結之荒陋而日遷善於風動時雍
之化矣乎猗歟休哉苗民何幸而際此
耶是豈非生值

聖明而此方屯蒙之運將進而覲離明豐豫
之象也耶傳記所云堯舜之世無一夫
之不獲者今乃得身親見之矣永順初
闕向未有志河陽李君創其大凡總得

廣元王君調任斯土復加意搜輯力仔
考訂而全帙始告成

大中丞蔣公以椽筆弁其首督學阮公觀
察明公並為製序余復何言第欽惟我
國朝

聖聖相承愷澤覃敷湛恩汪濊九州之外六合
之內血氣之倫含生之屬鮮不遂其生

若其性以涵濡煦嫗於太和翔洽之中
矧永順亦禹跡所揜並列荊州之域蚩
蚩苗氓皆

聖天子之赤子守斯土牧斯民者宜何如敬

體

當宁宵旰之勤勞精白乃心以養以教登此
苗民之仁壽恬愉之衽席耶廣元王君

哀集斯志其用意良深洵善於牧民者
耶是志也非僅載山川疆域形勢阨塞
與夫賦稅之則戶口之數學校官師兵
防物產災祥之大較也將以誠民阜物
簡俊化頑俾成一道同風之治望之耒
耨者相嗣於永永勿替也於是乎書
時

乾隆九年旃蒙赤奮若之歲室寤月上
已之辰湖南觀察使者玉峯徐德裕題

[Faint bleed-through text from the reverse side of the page]

永順縣志 序

志書之作古來舊矣內史掌
邦國外史掌四方凡都會郡
邑山城巖疆莫不有志以載
封域之所自始星土之所由
分而山川風俗學校人才皆

可一覽而得其有裨於政治者甚大永順苗土雜處相傳為彭氏竊據雖歷奉正朔而漢土隔絕不通聲教者千餘年我朝龍興

聖聖相繼仁德覃敷薄海內外俾無一夫之不獲故從古未闢之地率皆樂志輸誠稽首待命永順縣屬此其一也改歸之後苗也而民之土也而流之山巔水隈也而城郭市肆

永順縣志 卷首
之密菁平莽之區人跡不到
今則東西南朔延袤千里宮
塘城闕佳氣鬱蔥且風俗潛
移默化短裙椎髻之蠻一變
而為衣冠文物之彥列蠻序
者有人奮鷹揚者有人彬彬

郁郁非復山蠻草昧之舊已
十數年於茲矣使者癸亥之
春奉

命觀察楚南諮訪吏治民風稔知

苗獠服畏邊圉晏然未始不
嘆司牧者之善承 方召撫

永順縣志 卷首
綏之謨而工於經營布置也
永順王令蒞任五秋因報最
候推思為善後之計重錄志
板以垂永久揆其意豈以要
譽飾名蓋深見苗性之不常
輯和之非易欲後之司土者

披覽圖籍曉然於前人經始
之難而率由章程相安無事
庶幾哉安土苗以安民安民
即以安
國以不負

聖天子安邊柔遠之至意云爾余

嘉其志閱其錄送舊乘因為
之詮言書首

乾隆九年歲在甲子孟春下
浣湖南長沙等處提刑按察
使司按察使長白明德題



原叙

昔唐虞之世苗民逆
命帝誕敷文德舞干
羽於兩階而有苗格
成周盛時海不揚波

越裳氏知聖人在位
 遂重澤來朝良因德
 盛化神感名捷於景
 響非偶然也我
 朝自定鼎後仁漸義摩

禮陶樂泚

列聖相承涵濡煦育者迄

今百有餘年故不獨

沐浴膏澤者洽髓淪

肌即如永順介在要

荒木食卉衣罔織文
 物冠裳之盛亦以
 國家聲教所訖不覺草
 面草心於雍正五年
 歸流獻籍

世宗憲皇帝憫其顛愚允

其効順析其地為兩
 縣而以新設之保靖
 桑植附之永順縣為
 附郭首邑先後官是

土者家皆勤加教養
注意撫綏復搜輯祀
典賦役風土人物之
屬勅為邑乘越數載
而書成郡守李君問

序於余予喜其宣

上德意易俗移風俾蠻煙

瘴雨之鄉悉沾我

皇上化日光天之治豈不

庶哉吾因之有感矣

大治濯俗使遊陬僻
 壤咸庶熙皞是非久
 道化成曷克臻此粵
 稽漢唐宋以來寧有
 是耶然則我

朝德教洵足媿堯舜而
 埒成周也夫是為序
 昔
 乾隆十年歲在乙丑
 仲春大穀旦

誥授中憲大夫湖廣湖南

驛鹽長寶道按察使

司副使北平鍾昭揆

并書



永順縣志原序

縣何以永順名曰義取乎永順故名之也名自今始乎曰前此亦以是名矣然則奚為其地改而其名不改也曰改土之意出自土官

天子嘉其恭順俯允所請不改其名者示順也雖然昔之名則統其地而今之

永順縣志 卷首
名則又分其地而名之也曷分乎爾曰
龍山亦永順故地而首邑則獨仍其舊
所以為分也其獨名是邑者何曰改土
設都土分二邑外此而保靖隸之桑植
又隸之故郡之名是名者重乎其統之
也而邑之名是名者又重乎其倡之也
曷為乎其倡之曰各宅爾宅順民居也

各田爾田順民生也法制禁令順以防
民情也禮樂詩書順以導民性也順之
義大矣哉夫苗民古稱逆命矣逆而順
格之上以順施下以順應其心順其風
亦順永永無極他邑胥是改焉夫而後
限邑之名以稱郡之名亦以稱乎余不敏
忝守茲土喜斯民日沐大順之化熙熙

然咸順

帝則以成至順之休也爰是即名考義綴數
言以志其槩若夫星野疆域山川風物
以及制度文章之詳則前人述之已備
茲不復贅云
時
乾隆十年歲次乙丑姑洗月

誥授奉政大夫署永順府事常德府清
軍同知加一級紀錄七次三晉景士鳳
苞九氏題

永順縣志前序

永順之改土設縣也在雍正之六年永順縣之有志也創於前任李君麟以乾隆己未歲以興寧宰奉

命行取旋調尹茲邑候選取下車始取李君所創之志讀之竊喜新闢巖疆規模具備想見良工當日經營心苦也數年來留意訪諮覺舊本有未備者尚宜增有似冗者尚宜削且計編戶昔僅四萬有奇今則四倍之矣計人文昔猶學額未設今則遊庠

中式者漸且後先繼武矣禮教日嫻風俗日異官斯土者因時制宜其間因革損益亦不無踵事增華焉矧李君所鑄之板舊藏省會今求之不可得重修之責將誰諉歟是閱幾寒暑之廣搜博採更於壬戌編甲時親履各地週遭千餘里目審山川之形勢耳察方俗之語音爰以李君本為基址以土司舊志為垣墉並採辰長諸志為丹雘而規矩準繩則一稟於

郡尊李公

麟

則僅操斧斤以從事焉癸亥秋告成

為目一十有三為卷凡四視李君本幾倍之披覽之餘覺城市村墟人物風土較十年前李君創始時又別焉始知文明之地十年不過循其常荒僻之區十年頓已改其舊也獨是麟也謬荷拔擢於茲五秋需次銓除或倖以量遷行矣他日賢邑宰接踵而來或植滿縣之花或馴桑間之雉陶淑漸摩之後聲名文物月異而歲不同因取是書而更張之則後之視今亦猶今之視昔也麟當拭目以俟

誥授文林郎知湖南永順縣事前知興寧縣奉
旨行取在任候陞主事加一級紀錄六次廣元王伯麟

識

[Faint bleed-through text from the reverse side of the page]

永順縣志前序

欽惟我

皇上建極御宇德媿五帝功邁三王薄海內外凡日月
照臨之地悉隸版圖奉正朔幅頓之廣亘古莫加
爰

詔修一統志凡直省郡邑咸志其山川風土獻之
天府以彰王會之盛茲永順新闢疆宇儼然一大都會
宰是邑者奉檄屢催敢不亟修志乘顧茲地舊為
土司彭氏所有自漢唐宋元以來皆荒畧弗可深

考有明授職宣慰司屬辰州亦未有聞人紀述軼事迨我

朝康熙三十年間彭姓始修永順司志一帙然皆自紀其土司之事一切典故撫採弗當考古者將何所取證焉第古無可考而地自今闢則今日之行事即後日文獻之徵也今我

皇上鑒彭肇槐獻土之誠改永順司為永順府以永順縣為附郭又設龍山一縣其保靖桑植皆設知縣屬府管轄

盛心及先王父安民報

國之遺訓夜之所思日以行之日之所行夜以紀之反覆圖維務期有裨地方事無過舉乃備錄端委詳請題達而此心猶惴惴然恐其未必有當也至於山川古蹟與風土人情則隨其所見所聞一一劄記積之既久遂成卷帙要以備遺忘資參考耳豈敢謂一時之草創遂可作百世之章程哉但以草創一時而後日之考文徵獻者得有所觀覽焉以是為志亦庶乎其可也因錄呈

憲府以備採擇云謹序

湖南永順府永順縣前知沅陵縣事河陽李瑾識

昔

雍正甲寅夏月

日

永順縣志前序

余纂輯邑志既已編次成帙復細行披閱而竊嘆
余之治永邑也蓋幾為慶幸幾為恐懼今始稍稍
自慰而又切切然其有望也曷幸乎爾永順之山
水奇秀不亞酉陽仙源而千百年來漢土隔絕不
得與中國相通永順之民多土人少生苗刼殺惡
習其性醇謹樸實亦稍知耕織其中秀良子弟亦
頗有之緣隸土司千百年來不得與內地民人同
沐教養之澤雍正七年今江西饒州叅將原永順

永順縣志 卷首
宣慰土司彭君肇槐獻土歸流

皇上准其請設官分治復

詔令照原額秋糧銀八十兩徵收田畝令民自首給照為業免其丈量於是永順之地得為盛世聲華之區永順之民得受

聖朝寬大之典而草昧荒陋之習蒸蒸日上變月異而歲不同矣此余之所以為斯地斯民慶幸無已也改土後

詔發帑金照內地郡縣制度一體建置而余以菲材調

任是邑奉 憲檄辦理其事竊凜然滋懼蓋懼夫

德薄才疎肩宏任鉅易有錯誤之處且永地遼濶週遭一千三百餘里土苗漢籍雜處加以永定歸併則控制為難永之民其性愚不諳耕稼之務其俗陋不明禮義之閑緩之則玩急之則驚則化導為難改土時照舊設同知一員有藩司馬者約束太嚴整飭太驟土司之長官舍把人等不能安忍羣相鼓譟遂有圍衙聚眾之案奉

旨遣大人查審將首事擬辟其餘以軍徒發遣並安插

營縣而潘司馬亦以撫綏無術罹重咎此前鑒也
余繼潘公之後即不至以暴急干咎而措置之間
稍有未善以添物議即為有負

皇恩有辜 憲德有玷家聲夫安得而不懼所賴

府憲朝夕指授黽勉奉行於是首宣

勅諭照額徵收田畝自首即行給照而民咸感激歡呼
矣宣揚

上諭廣訓親為解說而民咸踴躍傾聽矣循行田畝教
以深耕易耨廣植園林蓄糞灌水而民咸勤力稼

圃無嗟饑饉矣各村分立義學以課蒙童本城建
造書院以育俊秀而民咸知教子義方樂事詩書
矣土司之官山任民墾種其魚塘茶園竹木樹林
崖蠟等項令民採用一無厲禁並不存為公家之
物而民咸優游往取視若已有矣善者獎之更為
詳給匾額惡者懲之更為詳加禁錮而民咸激勵
愧悔樂於為善矣河灘高險開之以通舟楫山嶺
崎嶇修之以平道路而往者來者視若坦途矣民
業既安民心既定奉發

帑金爰議建置於是建城垣以壯金湯則樓閣凌霄
雉堞翦漢儼成都會之區興學校以煥宮牆則堂
廡飛雲門枋耀日蔚起文明之氣修祠宇以祈福
佑則廟貌神威風雷揚厲人民望之歛生昭事之
心衙署有建而堂室備具可以議政可以臨民營
汎有建而伍卒寧居可以保固可以禦防市鎮有
建而塵市鱗列可以居貨可以通商橋梁有建而
亭臺掩映車馬馳逐烟柳翦然如在畫圖中自興
造以耒工匠日以千計夫役以數千計築之登登

削之馮馮聲聞數十里外而工師挾藝以耒效能
獻技一無怨咨之語人夫負襁而至受值赴功一
無愁嘆之聲行其田野而童叟羅拜於馬前值厥
歲時而父老稱祝於堂上余實不自意工程迅速
人心鼓舞有如此然豈余之力哉皆我

皇上恩施浩蕩

各上憲惠愷旁洽暨府憲指示周詳余但勉力
遵體不至隕越以免於罪戾而先王父撫楚愛民
之心庶幾克慰即余心亦稍稍自慰矣然土民雖

已安業而生養之道未周子弟雖已向學而庠序之教未深工程雖已完竣而部科之文未到其最大者永順地廣民多報田三百餘頃止納銀八十兩里民咸願陞科納賦不敢詳達然遲至數十餘年後亦必按則陞科但永地山高水冷田土磽瘠十畝之田不及中州一畝之入必照道州下下則起科乃為得宜此後未有司之責也學宮鼎建黨塾並興兩次觀風亦稍成文理曾經詳請具題設學取進生童俟

命下之日學衙考棚尚須暨造春秋祀典每年遵例設祭而禮樂各生尚待充補文物典禮亦待後來者之建議夫天下賢良衆多豈無十倍百倍於余者悉心愛養殫力教誨補偏救弊以助余之所不逮若接踵至止者能使民間日有起色人文日見昌熾傳之千百年長樂熙皞則斯地斯民其為幸當何如也惟是永順既為新闢歸流之邑凡事之當行必詳議報可方敢舉行雖案宗具在班班可考茲初編志乘備載之恐失於煩竟畧之恐失於簡

惟舉其大端撮其要務使無缺遺之譏至於名宦
良吏文學名士騷客遊人流寓題咏著作凡有關
於吏治及可備採錄者尤宜悉登余以匆匆奉遷
不克久待惟賴後之君子共勦盛舉余望甚厚也
是役也起於壬子春成於甲寅秋彙校剞劂閱三
載而告竣例得附載謹序

河陽李瑾再識

永順縣志前序

嘗讀書曰光被四表又曰聲教訖於四海而詩亦
有曰自西自東自南自北無思不服竊以為古帝
王之盛德豐功磅礴宇內垂之典謨咏之篇什者
皆往事也今也恭逢

盛世則有以身親之我

朝應運而興

聖聖相繼篤祐

今上文武聖神超越千古歲在癸卯續承大統孝治天

永順縣志 卷首
下澤及昆蟲草木薄海內外草面草心越五年丁
未以桑保兩土官殘虐

特允救流之議一時蚩蚩土衆如嬰兒獲慈母明年永
順宣慰使彭肇槐自願改土歸流

奏請報可因析永順龍山為二縣並改保靖桑植為
縣而置郡以董之余原守辰郡李侯宰沅陵巴酉
之秋先後奉調未永所足尚者民風淳樸不事奢
華惟久苦土官苛政疲憊難堪且染於陋習余兢
兢焉仰體

皇仁 憲德休養教誨未敢少踈庚戌春又蒙

特旨免賦一歲嗣照原額僅納秋糧一時閭閻婦子歡
呼匝地咸嬉遊寬大更賴李侯夙夜匪懈殫心竭
力五載以來勸耕讀崇禮讓開修水陸道途承辦
城垣

廟署有條不紊秩然振興甲寅春夏經營初備而李
侯遷永順別駕余亦移湖北糧儲李侯乃記其民
物風土新闢事蹟編次成帙問序於余披覽之際
因思夫形勝猶是昔日之山川也戶口猶是昔日

之黎庶也而其易險阻為蕩平出水火而登衽席
與夫城郭之輝煌風俗之於變則非復昔日之觀
也於是見覆載之大兆民之廣我
皇上宵旰勤勞雖窮荒僻壤一絲一粟無微不周將書
之所載詩之所稱不已身逢其時日擊其事歟然
而古今相較揆厥事功我
皇上實賢於堯舜遠矣是誌也自一邑而論則為山陬
之記載合天下之邑而觀則為一統之宏規今者
李侯特為始基異日文明丕煥余於永民猶有厚

望焉是為序

昔

雍正十三年歲次甲寅夏六月知湖南永順府事
長白袁承寵丹圃氏題

身口衣衣...
 前...
 貴...

肉土民

詔令設流至是亦改為兩邑均隸永順但水順既設郡
 邑不有賢令何能撫綏沅邑李侯才堪肆應廉能
 夙著各憲詳

題調補永邑下車以來恩惠頻施撫綏得宜每遇朔
 望宣講

聖諭化導愚頑并遵 制憲邁 撫憲趙 郡守袁條

約實力奉行又復不辭况瘁親臨巖村僻野編立
 保甲嚴查奸匪去暴安民每至其地即令保甲傳

諭土衆諄諄勸勉均賦役清疆界設義學舉節孝
輯和兵民養恤孤幼不年餘而風移俗易與中土同
江山滙靈人文秀發殆天之有意闢茲土乎嗣是
各憲議

題建立郡城廟宇衙署悉於首邑專司而李侯布畫
周詳不遑朝夕先議建立土城李侯慮難垂久詳
建石城郡守袁可其議共捐養廉銀四千餘兩
又不逾年而城郭巍然廟宇衙署輪焉奐焉儼然
一大都會也今城工告竣百度維新且政教覃敷

民樂熙皞郡守袁陞湖北糧道李侯亦陞本郡
別駕公餘之暇慮永邑新闢不有志乘將來不無
杞宋之恨於是纂修邑志志成欲丐余言以余又
歷苗疆先年彈壓鎮守保靖苗民畏服兩任於茲
蒙上憲薦陞永順本協協鎮且同仕一郡知其
原委余雖賦質赴桓何能為文然既同事有年不
敢他辭惟就耳之所聞目之所見明其創建之由
化行之速以見李侯之廉能如此辛勤如此千餘
年不通聲教之區而一旦與內地並埒如此他日

詔取邑志益見新聞苗疆變成雅俗仁漸義摩不且登
道一風同之治也哉即後之宰斯邑者稽其所自
見其不久化成觀感興起亦可法而可宗也謂非
永邑之幸也歟余故曰志之有關於政治無殊於
史也是為叙

協鎮湖南永順等處地方統轄永定保靖二營副
總兵官加三級紀錄三次王進昌撰

前序

郡邑之有志乘尚矣然事非經始援據舊文不過
踵事增華鋪張揚厲亦易易耳若夫地本荒裔邦
無文獻則考訂也難者舊無傳人情推魯則咨訪
也難未入輜軒之採又鮮故府之存則搜羅旁輯
也更難是非身親其事經營創始烏能綜核精詳
旁通而曲致哉以觀 李公所修之邑乘不禁歎
美不置也永順素為苗地今

天子即位之五年前宣撫司今江右叅戎彭君肇槐奉

上印章圖籍陳請歸入內地

督撫兩憲奏章入告

天子嘉其意

特允所請於是開設郡縣而永順為附郭之首邑况屬

創始之時機務殷繁必得賢能夙著通明曉暢者

始稱厥職 大憲於全楚牧令中屈指甄別曰是

非李君不可於是合詞具 題八年春公始奉

旨自辰移永任事以耒上體

聖主惠養黔黎至意凜遵 各憲暨 府憲成規披草

萊剪荆棘建城設署均賦分疆苗土民之秀俊者

教以詩書窮乏者資以衣食五年中櫛風沐雨不

避險阻而永順一區聲明文物駸駸乎幾同內地

矣政事之暇慨然曰傳誌無聞後之耒者將何所

考鑒爰咨謀博採而山川勝蹟天文田賦之類棋

布星列歷歷如指諸掌書甫告竣而 公陞本府

糧憲正恩以樗散庸材得繼 公後入境之初見

郊壇城市阡陌津梁秩然修舉而且邑有絃歌民
皆買犢因以知俗無美惡得治人而可治地有顯

晦遇明時而始彰而益以見
聖恩廣被無遠弗届即此蠻烟瘴雨之區之沾
王化頓改舊觀而我

皇上之建極中和時雍於變高邁百王遠矣彼夫漢唐
之世嶺表滇黔視為邊徼朱崖銅柱比跡要荒而
士大夫身處其地者不啻寄居絕域窮悴焦勞以
視今日同執同文之盛治即蠻獠亦化為仁里其
廣大更為何如而 公又宣猷布化其治行又何
如耶恩不敏幸承 公後嘉言善政播之里巷傳

之方冊庶幾亦步亦趨或可寡過已夫爰贅荒詞
附於大君子之後湖南永順府永順縣知縣前知
湘鄉縣事姚江徐正恩敬識

永順在漢時為武陵地僻處洞庭之西
控荆湘通巴楚南中險要之區也入元
以來為彭氏所有世襲土職相延幾五
百年中國僅羈縻之而已是以聲教不
通民生其間卉衣木食未識文物聲明
冠裳禮樂之制雖土司間有紀載亦荒

原序

永順在漢時為武陵地僻處洞庭之西
控荆湘通巴楚南中險要之區也入元
以來為彭氏所有世襲土職相延幾五
百年中國僅羈縻之而已是以聲教不
通民生其間卉衣木食未識文物聲明
冠裳禮樂之制雖土司間有紀載亦荒

略難稽不足傳信後世迨
本朝

歷聖相承風化所及靡不歸誠雍正丁未歲土

官彭肇槐獻籍歸流

世宗憲皇帝憫其嚮慕之殷

特允所請改永順司為永順府析其地為永順

龍山一縣而以新設之保靖桑植附焉

自是以耒城郭學校官司吏舍漸次興
舉而永順遂成一都會矣永順縣為附

郭首邑蒞茲土者宜宣

上德意教養撫綏俾新闢之境沐膏澤而咏

勤苦以遂安居樂業之性而表章

聖治勒為一邑之書亦正所以彰王會大一

統也前令河陽李君已基其事

今上御極之二年廣元王君調任此邑詳閱
舊本尚多缺畧且戶口日增人文漸起
踵事增華若有待者乃秉繩郡守李侯
加意搜輯越癸秋而書始成適予奉
命來撫湘南下車後校閱版圖知永順一縣
重岡複嶺廣袤千里蠻烟瘴雨中今已
雞犬桑田鱗次相望閱王君所纂風土

官師祀典賦役諸志更班班可考嗣此
親民之官能實力愛養磨鈍礪頑則十
年以前之風俗至此一變者歲月滋深
當更有進於斯也予於守令固有厚望
亦用以自勉焉是為序

賜進士出身

南書房供奉

經筵講官

日講官起居注翰林院侍講學士內閣學士兼禮部侍郎吏部左右侍郎兵部右侍郎都察院右副都御史巡撫湖南世襲一等輕車都尉加二級紀錄二次蔣溥撰

永順縣志原序

廣元王君令永順既報最在任需次官乃以暇日纂輯邑志據舊本核訂成書將授梓適予校士抵郡得借覽焉夫邑必有志尚已而永順之志則所係有特重焉者按永順漢地里志屬武陵郡兩晉迄隋隸辰州刺史唐曰溪州統係內

地梁開平時彭城任溪州刺史竟為永順土司之祖暨宋元明據竊八百餘年以彼大姓遞傳素積威約且性獷悍唇齒西南陞往往自相讐殺中間置官修貢時復劫順特羈縻勿絕而已其能戢豕突狼奔之故智惛服中心哉洪惟我國家累洽重熙德化浹於肌髓

世宗憲皇帝御極之五年遐邇禔福依山阻水

之倫納款耒琛頓顙恐後而永順土司彭肇槐遂以是歲因大吏達獻土之忱邀

恩俞允改其地併保靖桑植兩舊司地為郡永

順為附郭首邑凡城池學校壇廟公署圻堠以暨一切興舉建設之宜罔不次

永順縣志 卷首
第就理千百年阻昧幽深之域煥焉晉
耀於光明史冊所僅覩也夫事當創始
則諮訪鮮憑而地屬巖邊則講求貴悉
此永順縣志所以特重於他郡邑志而
王君搜採精確擘畫周詳用意良深厥
功為甚鉅也余兩涉斯土水陸之崎嶇
尚壑之蒙密所目睹身親者按志以稽

歷歷如指諸掌誠哉可以信今而傳後
矣惟是永順向隸土司僻處荒隅舟車
罕至聚族耕食以養以生茲者地不加
闢而表為大都駐以重協兵民叢集生
齒日蕃改設以來米粟百貨之值稍稍
增矣樵採之跡漸入窮巖物力亦頗絀
矣苟欲旁資輸運而千尋飛瀑之灘一

線懸崖之道人徑欲絕費輒不貲又界
連巴楚諸蠻即王村以西孔道怪石如
林奔濤怒吼過牛路河則衆流直注郡
城而從近郡之金魚塘俯瞰城市烟火
依依勢同釜底懋遷匪易生殖維艱守
土者所共念也余謂為永順計不得狃
目前無虞而務期經久可恃俾火種刀

耕之俗不憂人滿田磽捫竒涉險之區
有以固圉足穀迺益澤以詩書導之禮
讓永沐

聖朝庥明之雅化而幾幾與內地編戶等此
固非獨邑宰責也而鳴琴奏績其亦將
披閱斯志而亟籌所以撫綏保障之方
乎王君量移有日矣特推廣其意以為

後未者告幸勿等之他郡邑志徒備覽
觀可也乾隆九年九月吉旦湖南督學
使者山陽阮學浩謹題於星沙使署



朝之盛者也
國家聲教四訖幅員寔廣未有如我

列聖相承重熙累洽垂以

聖祖仁皇帝六十年深仁厚澤海內嚮風極於

邊徼遐荒郡縣規置非復疆圉可域

世宗皇帝善繼善述於由舊之中寓維新之意

量其土宇酌以版章增廣天下郡縣未

永順縣志 卷首
易僕數荆楚居國南鄉永順僻處武陵
元明以來韋彭竊據雖奉

天朝正朔勅襲土司而未嘗入隸版籍雍正
六年強者請朝弱者恐後

朝廷嘉惠元元一視同仁改司而府永順即
其首邑也益以龍山保靖桑植則儼然
一郡矣官斯土者勞心撫字樂事勸功

廣教化而美風俗也豈不偉哉

今天子軫念邊民猶恐廸屢未同
特命藩宣留心綏牧余承乏以來未嘗不與

守令諄諄也年來沐我膏澤忘其勤苦
有徧德而無梗化然後知
朝有善政則野有淳風正不在道里之遙
山川之間耳第念採風所至而紀載無

聞斯亦拓土開疆之缺典也適聞誌有成書邑無不脩其風土人情畢具於篇章尺幅之中余雖不文而班班可考未嘗不嘆李侯之善作而嘉王令之善承也是亦為之序

湖廣湖南承宣布政使司布政使前刑科掌印給事中紀錄九次長柱撰

志乘何昉乎嘗考周禮職方氏掌天下之圖以掌天下之地辨其邦國都鄙四荒八蠻七閩九貉五戎六服之人民與其財用九穀六畜之數要周知其利害此乃志之所自權輿而後之郡縣遂各有紀載矣湖南永順一府地處蠻陬三代時在禹貢荊州之徼秦屬黔中漢隸

武陵郡晉宋齊梁因之陳隸沅陵隋隸
辰州唐天授間析辰州置溪州靈溪郡
屬江南黔中道宋為永順州元為會溪
施容隸思州安撫司明為南渭施溶上
溪等州臘惹麥着驢遲白厓田家等洞
長官司

國朝因之雍正五年土司彭肇槐荷

重修永順縣志序

洪惟我

國家重熙累洽聲教覃敷遐荒邊徼盡入
版圖雍正丁未歲土司彭肇槐獻土歸
誠

世宗憲皇帝鑒其蓋忱嘉而納之爰改土歸流

建郡立縣悉倣內地制永順為附郭首
邑其疆域山川土田經制人物選舉諸

大節自改土後迄今六十餘年涵濡
聖聖相承之雅化規模氣象煥然改觀固駸駸
乎非復昔日之遐荒邊徼比矣縣之有志則創始於前令河陽李公瑾然猶本
彭氏司志爲考据一切沿革建置畧焉
弗脩也迨乾隆癸亥廣元王公伯麟復
再舉而重輯之其間冗者刪缺者增爲
目二十有三爲卷凡四視李公瑾舊志

更足以脩考稽焉第經歷五十餘載字
跡魯魚鐫板遺失邑紳士於予公暇時
商議纂修基竊維學問固陋筆墨拋荒
安敢冒昧從事然日親炙於
郡尊明戴憲一切體製程式有所稟承
爰取廣元王前令原有凡例續而增之
以見我德

國家厚澤深仁淪浹肌髓即永順一區其

疆域山川土田經制人物選舉諸大節
愈趨於盛云

乾隆五十八年歲在癸丑九月穀旦
文林郎知永順縣事琴江黃德基謹書

乾
隆
五
十
八
年
歲
在
癸
丑
九
月
穀
旦
文
林
郎
知
永
順
縣
事
琴
江
黃
德
基
謹
書

永順縣志目錄

圖象志 卷一

星野

城垣圖

地輿志 卷一

疆域

坊里

永城八景

山川

圖歌

縣署圖

縣治四境圖

學宮圖

沿革

市村

靈溪十景

古蹟

土司沿革

形勝

顆砂八景

物產附

建置志 卷一

城池

萬壽宮

公署

學宮

公館

義學

書院

倉庫

郵傳

津梁

汎防

學校志 卷二

學宮

祭品

儀注

樂章

祭器

樂器

舞器

陳設圖

樂譜

舞譜

樂律

舞儀

壇廟祝文

義學

考棚

臥碑

鄉飲

秩官志 卷三

文職

武職

王司世職

宦蹟

祀典志 卷三

壇壝

祠廟 並香
火田

附寺觀

賦役志 卷三

田賦

附鹽埠

風土志 卷四

氣候

語言

藝文志 卷四

碑記

人物志 卷四

彭氏勲勞

經費

賦役

習俗

風俗

詩歌

耆德

戶口

田賦

禁條

田賦

孝義

節孝

選舉志 卷四

貢生

孝廉

職員

永順縣志

卷之一

圖象志

湖南永順府永順縣知縣黃德基重編

昔龍馬負圖庖羲氏則其文以畫八卦黃帝受河
圖見日月星辰之象以叙五行禹鑄九鼎以象九
州周官大司徒之職掌天下土地之圖以周知地
域廣輪之數後世郡邑志乘圖象之名蓋本乎此
永雖僻處邊隅其星宿之纏次以及學宮衙署城
郭山川之形勢不可不臚列之以備觀覽也志圖

象

廣元王伯麟識

星野

黃帝分野自張十八度至軫十一度為楚分
周禮保章氏翼軫荊州
辰州府志引天文志云楚翼軫之分野翼軫鶉尾
之次在巳位鄭元曰鶉尾楚也隋史註曰南方七
星形如鶉尾大都翼軫鶉尾自張十七度至軫十
一度武陵入軫之十度在晉隋時辰沅皆屬武

陵郡意亦在九度之間

沅陵縣志引通志云武陵今之常德也奄及辰沅
挈領諸邑越華容西境至澧州石門慈利安鄉極
於靖之轄縣旁引永順保靖諸司皆武陵入軫十
度之野廣輿記登壇必究二書並載永順天文翼
軫分野


麟按歷未志天文者僉謂楚為翼軫分野又倣
宋元兩朝天文志云軫四星距西北星去極一
百三度半右轄星去極一百一十度半入翼宿

十六度半左轄星去極一百一度半入軫宿五
度軍門二星距西南星去極一百一十二度半
入翼宿十三度土司空四星距南星去極一百
二十度入翼宿十四度青邱七星距西北星去
極一百二十四度半入軫宿五度器府三十二
星距西北星去極一百三十七度半入翼宿八
度半又軫宿歌云軫四星似張翼又杳施南乃
翼宿分野永順去施南最近似宜在翼軫之間
今從通志入軫十度之說似軫宿分野為定但

天高星遠星經固散失無存而天文圖籍又非
人間所敢收藏茫茫無可考證非麟淺見寡聞
者所能臆窺也聊附數語於此以備高明採擇
云又昔人謂星為萬物之精又曰山川精氣上為
列星故凡人事修於下星象應於上司土者仰
觀俯察其可忽諸

軫宿圖

軫宿歌
軫四星似張翼相近中央一個長沙子左轄右轄



附兩星軍門兩黃近翼是門下四個土司空門東
七烏青邱子青邱之下名器府器府之星三十二
以上便為太微宮黃道向上看取是

麟按前陞縣李所輯志原有軫宿圖但有星無
字亦無此歌沅陵縣志所繪圖與登壇必究所
載稍異而歌訣又與文獻通考登壇必究不同
今惟改照二書繪錄於右

今郡列照二書餘繪於本

舞餘異西塔塔又與文塔或黃登登必與不同

字亦無此塔於刻錄法初能圖與登登必與西

無殊前刻錄字西轉表亦不詳密圖以亦呈無

以五雙高天送宮前山正香塔是

以象青收于青收之可及器所器所之是二十二

州西美軍門而費立真美門不四圖上正五門東


繪

圖

永定界縣治一百二十里 東


沅陵界縣治一百五十里

治縣界植來



里十二百二治縣界州乾 里十一百二治縣界溪瀘

里十三百一北




里十八百一治縣界州乾

龍山界縣治六十里

西 保靖界縣治七十里

縣城圖

此水通時飲
虎落地方



此水係城北
門後山發源



此水流
出列夕通
王村大河



府社稷
縣社稷




此水山龍山汝池烏雅河發源

教場







鑒定

永順

府戴求仁

督修

永順

縣黃德基

纂修

永順

授關天申

永順縣

導王繡茂

校對

廩

廩

生

生

生

膳繕

拔

總理

監

黃光燦

陳君弼

員向萬河

員楊文德

員滕興鰲

員黃基

員朱得勝

生黃集祐

監

監刊

監

生黃集初

生黃集祿

| | | | | | | | | | |
|--|--|--|--|--|--|--|--|--|--|
| | | | | | | | | | |
| | | | | | | | | | |
| | | | | | | | | | |
| | | | | | | | | | |
| | | | | | | | | | |
| | | | | | | | | | |
| | | | | | | | | | |
| | | | | | | | | | |
| | | | | | | | | | |
| | | | | | | | | | |

續增凡例

一永邑昔屬苗疆今沐浴

聖化涵濡薰陶屈指六十餘年其間人文日起禮教漸

興節孝忠義皆由

盛治感被不可磨滅其已經請

旨旌表建坊及未經請

旌詳明上憲給匾示獎者悉纂入

本朝疆域日廓幅幘廣袤山川景物之盛較往昔倍增

聿徵

盛世文明之象蔚然巍煥今悉補入

一永邑自設學以來絃誦之聲遍鄉城都人士率皆彬彬爾雅六十餘年來列科名登仕版者不乏其人足徵我

國家培植人材聲教遠播多士奮興迥異疇曩今照依科名出任年分纂入志內間人文日盛甄錄一藝文詩歌取其有關政治不尚繁縟永邑自歸流以來文運日開其中名勝古蹟形之吟咏者皆

足鼓吹休明今悉增入

江右黃德基識

永順縣志凡例

一永順舊隸土司千百年來文獻莫考雖有宣慰司舊志但紀土司世職山川景物之類無姓氏年月可稽按其事跡大約在康熙三十年間也自前縣李公創為初本規模具備遂覺斯地生面一開茲之役蓋踵而成之非改易之也

一是編有與舊志無異者有補舊志所未及者先畧後詳勢有必至然叅稽不可或忽敘次不可或淆分門別類一切記載悉以類從使閱者一展卷

而較若列眉焉

一永順既為郡縣則茲編為郡縣志非土司志也而各卷中間及土司若秩官人物尤於彭氏特詳疑於不類然今之郡縣固昔之土司也今之傳舍固昔之世官也不睹乎舊莫圖其新故或循舊志所有或補舊志所無視昔視今從俗從宜亦居此土者之一助也

一是編博採見聞不過訂訛補闕非有卓識鉅筆可光簡冊也其間言之重詞之復知難免鄙瑣之

譏修飾潤色尚俟後之擅三長者

西蜀王伯廉識

